

嘉靖蕪水縣志

地 260.87
275
部 五 1~2

蘄水縣志

登錄號 99264

函 2 冊

一九六三年九月上海古籍
書店據北京圖書館藏明嘉
靖刻本景印原書版框高二
二·六公分寬一五·二公分

重脩蘄水縣志序



列國有史郡縣有志古今異時
史志異制其實一也是故文獻
不足夏商之禮不傳諸侯去籍
爵祿之制遂泯志也將存典籍
備考證爰立政教其可忽哉雖
欲弗作弗續不可也蘄水舊志

蘄水志序

止於嘉靖壬午迄今二十有六
年其間事實良有可紀適

布政司左叅政丁公方留心通
志有事纂脩行府牒縣刻期責
成公之自任自可想見其奉行
則主簿黃君國政其編輯則教
諭蕭君璞及庠生余子俸周子

紹堯周子中何子瑞也夫志以
傳遠作者固難諸君本之見聞
考之載籍又質諸耆宿其草創
討論脩飾潤色各盡所長其於
舊志缺者增訛者正繁者刪當
續者各以類增入焉採摭博而
紀錄詳去取公而輿情愜將使

百里之內百數十年以來盈天
地覆載一展卷而俱見無志可
乎志之爲書析之爲縣志合之
爲郡志又合之爲省志通合之
爲一統志天下之事備矣自吾
蕪一邑論之今志所載比舊志
爲益詳爲卷者若干首圖考次

建置次形勝次山川以至方外
藝文無不備載是故觀民以立
政觀風以施教觀祀以禮神觀
兵以守觀戶口以養觀田賦以
貢觀水利以備旱觀名宦以盡
職觀鄉賢以進德觀孝行以厚
人倫觀節義以厲廉耻觀災祥

以致脩省觀藝文以資玩索觀
名物以資博識志之有益於世
大矣况由是而觀之郡廣之省
又益之以天下乎始聞師生之
集議也謂郡邑建置凡爲民
也舊志所載詳於事而畧於民
今之所增宜詳於民以補其畧

故觀今志所載事固不增於舊
而生民利病所關則舊志有所
未備也他之爲志者非售諂諛
即騁文詞安有惓惓爲民者昔
夫子脩春秋凡災眚必書興作
不時必書聖人固畏天命而悲
人窮所以立民命也推此爲志

不亦良乎以是觀之志之作誠
不虛矣又聞諸父老謂方今病
民者四鎮山水陸俱厄於採石
里甲夫馬益困於送迎一條邊
立而催科併有損於民無益於
官連歲災傷而公私竭國非其
國賈生所憂凡此安得聞於

當道抑安知康濟之無策乎故
并識之以昭民隱且備志之所
不及也志成縣丞周君璠脩
覲事還遂登諸梓云

皆

嘉靖丁未仲春月甲午

賜進士出身朝議大夫奉

《新水志序》

五

勅撫治商洛提督軍民陝西布政
使司右叅議邑人蘭江胡仲誥

書

宋

和

丙戌

蘄水縣志目錄

卷之一

圖考

建置沿革 星野 邑名 城池 疆域 關梁附

形勝

山川

名蹟

風俗

物產

戶口

目錄

乙

田賦

徭役

秩官

公署 舖舍附

水利

惠政

卷之二

學校 社學 書院附

選舉 薦舉 恩蔭附

兵防

秩祀 祠廟附

名宦

宦蹟

鄉賢

人物 孝義 貞節 逸士 僑寓附

災祥

方外

卷之三

文藝上

卷之四

文藝下

目錄

二

蕪水縣志目錄終

蘄水縣志九例

抄奉

湖廣布政使司左叅政丁 明文

一圖考

府州縣各列畫圖城池內備畫各衙門各城門及樓廟倉舖之類府圖城外備列所屬州縣城池并境內名山大川州縣圖城外凡境內山川備列所在各備書山水名目及去州縣若干里并大小險夷之狀圖外各備書界至里至庶有所考

二建置沿革 星野 郡名 城池 疆域 關梁附

九例

府州縣沿革各開載古昔歷代以至

國朝或改或復或併或析或屬某處為某國某郡某軍某路某府某州某縣先後升降徙治廢置更迭不一若往代帝王將士戰伐之地其間僭偽竊據之鄉亦所當詳或某府某縣係某年新設或某縣原屬某府今改屬某府以至天文分野古今郡邑名界至里至編里坊鄉之類逐一開載務須博訪精覈庶使傳承有據証按無遺

府州縣城池或磚或土或有或無或某年某人築或增築或昔有而今廢或舊無而新築及週圍高

厚深濶若干並各城門名目以至關鎮橋渡之類
或先今某年某人創修或廢圯俱備細查錄

三形勝

府州縣據險守要各有形勝須引証實載不當杜
撰而泛為之說

四山川

名山大川亘古不移府州縣各據境內山水開列
處所實跡至于大小險夷之狀復于府州縣圖內
表而出之以備查考若湖潭溪灘泉井時有湮塞
陂塘之類尤水利所關備考創脩存廢之實以錄

九例

二

五名蹟

府州縣古今勝蹟如樓臺亭館城宅苑園池沼之
類或經遊于先哲而遺化攸存或吟眺于名賢而
簡編具在其名與蹟俱不可泯須查其處所訪其
實跡以錄

六風俗

風俗以方土而異府州縣自各不同或有昔美而
今入于薄者亦有昔薄而今轉為厚者美惡各從
實錄務引典故成語不當有所避而為諱詞也

七物產

府州縣各有方土所產之物及或舊有場有治有
務今或存或廢逐一開載

八戶口

府州縣戶口除成化八年正德七年舊通誌已開
載外自正德七年以後至嘉靖二十年止歷年民
數或有消長不同逐一查錄

九田賦

十徭役

府州縣田賦各開官民田地山塘若干頃畝夏稅
秋糧及課鈔各類自歲辦則備開某物若干至于

九例

三

額派徭役如驛傳銀力二差之類備開驛馬驛船
水夫各若干銀差某差若干編銀若干力差某差
若干工食若干或有昔重而今獲減輕者或有昔
編而今則改派者俱要逐一查明從實開報毋滋
煩文

十一藩封

府州縣有

王府者移文長史司備查始封某王府名諱文派某年
開國某處某年薨謚曰某拜查嗣封歷世以及
今王或無嗣國除改封各郡王府各將軍府各

王府祠廟陵墓處所以至王府各額設官屬員類逐一查錄

十二秩官

府州縣并各儒學及合屬大小衙門備列額設職官若干員某縣全設某年裁減或添設或某衙門係某年題

准新立府州縣正官查自

國朝至今歷官某某姓名貫係出身某年任佐貳以下名氏免錄

十三公署

舖舍附

九例

四

府州縣治署察院分司府館并合屬巡檢司河泊所倉場稅課司驛遞批驗所陰陽醫學僧道綱紀正會司等衙門申明旌善二亭俱各分列其所即於其下註云先有舊建何如繼自某年某議革某修葺某遷徙何如某舊無而近年添建者則曰某年某某議創某某成立至于舖舍傳置有程中間或有分析歸併亦或近年添建逐一查錄

十四水利

附山川條不另開

十五惠政

府州縣預備便民二倉養濟一院今稱惠政各列

處所某年某人建或重建或遷徙并惠民藥局漏澤園逐一查錄

十六學校

杜學書院附

府州縣儒學并

敬一亭明倫堂射圃社學各分列其所即於其下註云先原建何如以後某年某人修葺遷徙何如逐一查錄

書院或建于古或創于今或增葺移徙備列其年其人其地并或為某人而建或係奉

命修置或係有司創立或係某人自造從實查錄

九例

五

十七選舉

薦舉

恩蔭附

進士舉人起自

國朝挨年開列姓名仕至某官或見任某官如由府學則註係某縣人其進士仍於舉人下註云中某科進士歲貢則挨次錄其姓名仕至某官不必記年薦舉恩蔭各開列名氏薦舉註云某年以某事舉仕至某官恩蔭註云係某官諱某之子某年以蔭任某官

十八兵防

兵防統于都司督於憲臣而又有總兵守備之設

各府或設有兵備道江防道拜總兵守備等衙門
務查某年原為某事而設或原設某處而某年改
以某處題

准添設并所轄衛所府州縣各若干以至本府州縣教
場牧馬草場去處民快弓兵數目并某年或某處
寇盜剽掠某處壘洞竊發有某某官勦平之及所
行事實節畧俱查錄

十九秩祀

祠廟

陵墓附

文廟啟聖名宦鄉賢等祠社稷山川郡邑厲等壇
城隍等廟此係載在祀典時有常祭祭有儀者俱
書入秩祀例拜查處所某年某人創修何如如先
賢功臣等祠或係奉

命修建或係

撫按衙門守巡等道府州縣官之表崇或出於鄉士
之景慕或出於百姓之遺思皆一方風教所係備
查其年其人其地始末緣由入祠廟例以至今今
墳墓或係先賢名宦或出

朝廷恤典俱聽查錄

二十名宦

二十一宦蹟

九例

六

二十二鄉賢

二十三人物 孝義 貞節 逸士 僑寓附

名宦宦蹟鄉賢人物孝義貞節逸士僑寓俱查自先代以至

國朝必事蹟允乎公論已定者各從實開載名宦鄉賢止載已入祠者其未入祠者不與居官政蹟可紀百姓蒙惠而未入祠者書入宦蹟例居鄉行誼高邁表表爲人所共與者不論崇卑顯晦而未入祠皆書人物例如居官雖政蹟可稱而去任未久居鄉雖制行可嘉而蓋棺未定者姑俟之可也皆不

九例

七

與載孝義貞節各查實跡分已未旌表逸士之名甚不易稱有則書無則寧闕僑寓紀其顯者查其原籍某年因某故流寓毋得徇情混載賢否無別仍于名宦鄉賢祠下註云名宦祀某某共若干人鄉賢祠某某若干人庶有所考

二十四災祥

府州縣災祥如水旱歲荒甘露芝草之類各查其歲時及某年某官某弭災救荒實政以錄

二十五方外

府州縣寺觀仙釋逐一查錄

二十六藝文

詩賦序記之類有關於其地有關於其風教有足以明理學者備錄以憑採擇

附

秩官類佐貳官教官所屬官

選舉類

恩封

御醫援例吏選

原文不錄竊惟志書縣詳於府府詳於省省詳於一統志故附錄以備一縣觀覽

九例

八

蘄水縣志九例 終